

Pèrmit pa transporte di material pisa

Servisio pa Obra Públiko ta e instansia di Gobièrnu di Kòrsou ku ta duna pèrmit pa kompanianan por transportá materialnan pisa. Materialnan pisa ta por ehèmpel tur ekipo grandi manera pipa, mashin, vehikulo.

E tipo di permit aki ta nesesario mirando e magnitud i peso di e material i e echo ku e tin ku bai move riba nos kayanan.

Petishon pa pèrmit

Promé ku un kompania òf persona kuminsá ku transporte di material pisa, e tin ku entrega un petishon pa e risibí un pèrmit.

Pa hasi petishon pa pèrmit, mester entrega un formulario. Riba e formulario aki, ta indiká:

- Informashon di kompania ku ta bai transporta
- Di unda pa unda ta bai transporta
- Fecha ku transporte ta tuma luga
- Durashon di transporte
- Peso neto di e material(nan) ku ta bai transporta
- Tipo di vehikulo ku ta bai usa
- Si e vehikulo ku ta bai usa ta di kur
- Motibu ku ta bai transporta e material pa e sitio indiká

Mester entrega e formulario aki firma na Servisio pa Obra Públiko por lo ménos 20 dia promé ku e fecha ku transporta e material(nan). E formulario di petishon pa pèrmit ta optenibel **aki**.

Despues di a risibí e petishon, Servisio pa Obra Públiko ta bai analisá e situashon. Den 2 siman, e kompania òf persona ku a entrega su petishon ta risibí un kontesta. E kontesta aki por ta enserá:

- No ta duna pèrmit
- Ta duna pèrmit bou di sierto kondishonnan
- Ta duna pèrmit sin restriksion

Despues di risibi e petishon aki, e persona of kompania mester bai Polis tambe pa indika ku e transporte ta bai kuminsa.

Opheshon riba kontesta

Tur e kontestanan ta bini ku e splikashon korespondiente. Si e kompania òf persona konserní no ta di akuerdo ku e kontesta ku el a risibí, e por entrega un karta di opheshon serka Direktor di Servisio pa Obra Públiko.

Mas informashon

Pa mas informashon tokante pèrmit pa transporte di material pisa, por tuma kontakto ku Servisio pa Obra Públiko na number di telefon 433-4237.